



ISERIT A/S-IMI SIULERSUISUT SULERIAASIAT

§ 1.

SIULERSUISUT ATAATSIMEEQQAARNERAT

Ukiut tamaasa ataatsimeersuarnerup kinguninngua siulersuisut siullermeersumik ataatsimiittarput. Ataatsimiinneq siulersuisut siulittaasiuannit aqunneqassaaq.

Siulersuisuni ilaasortanik nikittoqarsimappat siulersuisut suleriaasiat siulersuisunit atsior-neqassaaq, atsiorneqarsimasorlu siulersuisut ataatsimiinnerani atortunut toqqortanut inis-sinnejassalluni.

Allatat siulersuisunut pingaaruteqartut tamarmik misissorneqassapput, pisariaqarpallu akuerineqassallutik.

§ 2.

SIULITTAASOQ

Siulersuisuni siulittaasoq ataatsimeersuaqataasunit qinerneqassaaq.

Siulittaasup siulersuisut suliffeqarfillu sinnerlugit avammut kiinnetartussaavoq. Siulittaasoq ataatsimiinnerni aqutsisuuvoq, kingullermillu siulersuisut ataatsimiissimanerisa kingorna pisimasut pingaaruteqartut siulersuisunut nalunaarutigisassallugit.

Aalajangiiffisassat ernumanartoqanngitsut siulersuisut tulliani ataatsimiinissaannut kinguartinneqarsinnaanngikkaangata siulittaasoq pisarnerup saniatigut siulersuisut sinnerlugit aalajangiisinnavaavoq. Siulittaasorli sapinngisamik tamanna pitinnagu siulersuisuni amer-lanerussuteqartunit akuersisunik, sapinngisamik allakkatigut allatulli ajornarpas oqarasua-titigut pissarsiniaqqaassaaq.

Tamassuma kingorna siulersuisut ataatsimeeqqaarnerini pineqartoq ilisimatitsissutigine-qassaaq, pisariaqarpallu suliareqqinnejassalluni.

§ 3.

ATAATSIMIIGIAQQUSINEQ ATAATSIMIINNERILLU AKUTTUSSUSIAT

Minnerpaamik sapaatip akunnera ataaseq sioqqullugu siulittaasoq siulersuisut ataatsimiin-nissaannut ataatsimiigiaqusisassaaq, ullormullu oqaluuserisassat ilanngussallu pisariaqar-tut tamaasa piffissaq tamanna atorlugu nassiunneqarnissaat isumagissallugu.

Ukiumut minnerpaamik sisamariarluni ataatsimiittooqartassaaq, saniatigullu pisortaqarfimmi aamma/imaluunniit siulersuisuni ilaasortap imaluunniit kukkunersiusup tamanna kissaati-gippagu ataatsimiittooqassalluni.

Ukiumut ataatsimiinnerit sisamat tassaapput:

1. April-ip qaammataani ukiumut nalunaarusiaq pillugu ataatsimiinneq
2. Ataatsimeersuarnerup kingorna ukiup affaata siulliup ingerlasimanera pillugu ataatsimiinneq
3. Qaammatit august-ip oktober-illu akornanni naliginnaasumik ataatsimiinneq
4. Qaammammi november-imi imaluunniit december-imi missingersuutit pillugit ataatsimiinneq

§ 4.

ATAATSIMIINNERNI AQUTSINEQ AALAJANGIISINNAASSUSEQARNERLU

Siulersuisut ataatsimiinneri siulittaasumit aqunneqartassapput.

Siulersuisuni ilaasortat minnerpaamik affaat najuunnerisigut siulersuisut aalajangiisinnaassuseqarput.

§ 5.

TAASINERNI MALERUAGASSAT

Amerlanerussuteqarnikkut aalajangiisoqarsinnaavoq. Taasinerit amerlaqatigiinnerisigut siulittaasup taasinera alajangiisuussaaq. Taasinerit naligiippata siulittaasorlu peqataanngippat aalajangiisoqarsinnaanngilaq.

Pisortamik atorfinitstsineq suleriaasillu allangortinneqarnissaanni siulittaasup akuersilluni taasinissaa piumasaqaataavoq.

Siulersuisuni ilaasortaq imminermut imaluunniit suliffeqarfiup allallu isumaqatigiinniarnerini, imaluunniit piumasaqarfigineqarnerini ilaasortaq tamatumani pingaaruteqartumik suliffeqarfiup soqtigisaannut akerliusumik soquti-gisaqaruni arlaatigut piumasaqarfigineqarnerigut suliffeqarfiup imminullu pillugit isuma-qatigiissuteqarnernut apeqqutit pillugit oqallitoqarnerini peqataasinnaanngilaq.

§ 6.

IMAQARNILIAT

Siulersuisut ataatsimiinnerini siulersuisullu aalajangigaat pillugit naalisakkat suliarinissaat siulersuisut siulittaasuata akisussaaffigaa.

Siulersuisut ataatsiminnerisa aallartinnerini tamatigut siuliani ataatsimiinnerup imaqarniliar-taa siulersuisunit akuerineqarlunilu atsiorneqassaaq, siulersuisullu toqqortaatigisaannut inissinneqassalluni, imaqarniliallu qupperneri tamarmik ataatigut siulittaasumit atsiorneqasapput.

Siulersuisuni ilaasortaq, imaluunniit pisortaq amerlane-russuteqartut aalajangigaannut isumaqataanngikkuni tamassuma imaqarniliami allanneqarnissaa piumasaqaatigisinnavaa.

Imaqarniliami makku ilanngunneqartassapput:

1. Ataatsimeeqataasut aqqi.
2. Ullormut oqaluuserisassat allannguutaasinnaasullu.
3. Ullormut oqaluuserisassat naapertorlugit aalajangikkat.
4. Avammut nalunaarutit.
5. Imaqarniliortup aqqa.

§ 7.

NIPANGIUSSINISSAQ

Paassisutissat ataatsimiinnernilu atortut suliffeqarfimmit siulersuisunut ingerlateqqinnejartut isertukkatut isumagineqassapput. Siulersuisuni ilaasortat siulersuisullu ataatsimiinnnerini najuuttut allat paassisutissat siulersuisut ataatsimiinnerini saqqummiunneqartut pil-lugu nipangiussimanissamik pisussaaffeqarput.

§ 8.

PISORTAMIK IL.IL. ATORFINITSITSINERIT

Pisortamik atorfitsitsineq atorfimmullu atasumik atugassat pillugit isumaqatigiinniarerit siulittaasumit ingerlanneqassapput. Inaarutaasumik isumaqatigiissusiortoqartinnagu isumaqatigiinniareremi angusat siulersuisunut akuerisassanngorlugit saqqummiunneqassapput.

Pineqartuni ataasiakkaani siulersuisut allatut aalajangiinngippata siulersuisut ataatsimiinnnerini pisortaq peqataasassaaq.

Siulersuisut ataatsimiinnerini kingullermik ataatsimiinnerup kingorna suliffeqarfiup ingerlan-neqarneranut tunngasut pisortamit nalunaarutigineqassapput.

§ 9.

SULIFFEQARFIUP AQUNNEQARNERA

Ulluinnarni aqutsineq pisortaqarfimmit ingerlanneqassaaq, tassanilu maligassiat, ilaatigullu taamaattoqarpat pisortaqarfimmut peqqussutit siulersuisunut suliassiissutigineqartut malil-lugit ingerlanneqassaaq.

Inatsisit maleruagassallu naapertorlugit piumasaqaatit naammassineqarnissaat oqartus-saatitaaneq naapertorlugu siulersuisunit akisussaaffigineqarput.

Pisortaqarfiup saqqummiussai tunngavigalugit siulersuisut ataatsimoortumik periusissat suliarisussaavaat, taamatullu suliffeqarfimmi missingersuutit suliarineqarsimasut akueri-sussaallugit.

§ 10.

PISORTAQARFIUP NALUNAARUTAA

Ukiumut nalunaarusiapi suliarineqarnissaanut pisortaqarfiup sukumiisumik nalunaarusior-nissaa siulersuisunit alaatsinaanneqassaaq.

Nalunaarusiaq pisortaqarfimmit siulersuisunillu atsiorneqassaaq. Nalunaarusiami allassi-masuni isumaqatigiinngittooqassappat tamanna kissaatigineqarpat ukumoortumi nalunaa-rusiami ilangunneqassaaq.

§ 11.

UKIUMOORTUMIK NALUNAARUSIAP SULIARINEQARNERA

Ukumoortumik nalunaarusiortoqarnissaa siulersuisunit nakkutigineqassaaq, kiisalu ilan-gullugu kukkunersiusup suliassamini paasissutissanik pisariartitominik pissarsisinnaanis-saa qulakkeerneqassalluni.

Naatsorsuutini ataasiakkaanik nalorninartoqartillugu erseqqissaanissanut siulersuisut aki-sussaatitaapput.

§ 12.

KUKKUNERSIUINEQ

Naleqquttumik naammaginartumillu kukkunersiuisoqarnissaa siulersuisunit akisussaaffigi-neqarpoq.

Siulersuisut ataatsimiinnerini tamani kukkunersiusup allaaserisimasai ilaatinneqartassap-put.

Ulloq 8. Juni 2022 siulersuisut ataatsimiinnerini taamatut akuerineqarpoq, siuler-suisunillu atsiorneqarluni.

Bent Olsvig Jensen

Siulittaasoq

Mike Høegh

Nungo Pedersen

Peter Oluf Meyer

Betina Bertel Nornild